

1. JU NARODNO POZORIŠTE SARAJEVO kojeg zastupa Direktor Izudin Bajrović, ul. Obala Kulina Bana br. 9., 71000 Sarajevo, ID broj:4200566570002, (u daljem tekstu Naručilac roba)

i

2. CONTI PRO zastupan po Direktor Mirzi Đozo, ID broj:4201189460007, PDV broj: 201189460007, (u daljem tekstu Isporučioc roba)

zaključuju

OKVIRNI SPORAZUM

za nabavku stolarskog materijala za izradu scenografije-daske, ploče od drveta i sl. JU Narodnog pozorišta, sukcesivno do kraja 2019. godine

I UVOD

Član 1.

Na osnovu provedenog konkurentskog postupka javne nabavke roba, u skladu sa članom 88 i 89. ZJN BiH, s namjerom zaključenja okvirnog sporazuma sa jednim ponuđačem u 2019. godini, broj: JN/21-1184/19, od 06.03.2019. godine, JU Narodno Pozorište Sarajevo je odlukom broj: JN/21-1183/19 od 06.03.2019. godine kao najpovoljnijeg ponuđača izabralo ponuđača Conti Pro d.o.o., u skladu sa utvrđenim kriterijima za donošenje odluke o izboru te uvjetima i zahtjevima iz Poziva sa dostavljanje ponude, broj: JN/21-1184/19, od 06.03.2019. godine.

Član 2.

Na osnovu ovog okvirnog sporazuma Naručilac roba će izdati narudžbenicu za isporuku stolarskog materijala za potrebe scenografije predstava JU Narodno pozorište Sarajevo za 2018. godinu, za svaku ukazanu potrebu za predmetnim robama prema Pozivu za dostavljanje ponuda broj: JN/21-1184/19, od 06.03.2019. godine, a prema Ponudi Davaoca roba broj: 1773/19 od 20.03.2019. godine koja je sastavni dio ovog sporazuma.

II PREDMET I TRAJANJE OKVIRNOG SPORAZUMA

Član 3.

- (1) Predmet okvirnog sporazuma je utvrđivanja uslova za izdavanje narudžbenica o javnoj nabavci stolarskog materija za potrebe scenografije predstava JU Narodnog pozorišta Sarajevo u Bosni i Hercegovini i u inozemstvu prema Pozivu za dostavljanje ponuda broj: JN/21-1184/19, od 06.03.2019. godine, u 2019. godini, za potrebe naručioca, a prema Ponudi Davaoca roba koja se nalazi u prilogu ovog okvirnog sporazuma i čini njen sastavni dio.
- (2) Ovaj okvirni sporazum se zaključuje za razdoblje od dana potpisivanja istog do kraja 2019. godine i tokom navedenog perioda se predviđa izdavanje narudžbenica o javnoj nabavci od strane Naručioca usluga kojim će se tačno navesti robe, vrijeme i mjesto isporuke robe.

III PROCJENJENA VRIJEDNOST OKVIRNOG SPORAZUMA

Član 4.

Procjenjena vrijednost predmetne usluge ovog okvirnog sporazuma se procjenjuje na iznos do 15.000,00 KM (petnaesthiljada KM) bez PDV-a.

Član 5.

Naručilac usluga će na osnovu okvirnog sporazuma izdati pojedinačnu narudžbenu Izvršiocu roba s kojim je zaključen okvirni sporazum. Izvršilac roba je dužan da robu isporuči pod uslovima utvrđenim ovim sporazumom bez ponovnog zahtjeva za dostavu ponuda i po cijenama i uslovima utvrđenim ovim sporazumom.

Član 6.

Vrijednost naručene robe iz člana 4. ne može biti veća od navedenog iznosa i utvrdit će se putem pojedinačnih narudžbi naručioca kojom će biti precizirane stvarne robe i dinamika isporuke robe.

Član 7.

Jedinične cijene koje je Izvršilac roba ponudio u svojoj Ponudi su nepromjenljive i ne mogu se mijenjati u toku trajanja okvirnog sporazuma.

Član 8.

Naručilac roba se ne obavezuje naručiti predmetne robe do procjenjenog iznosa navedenog u ovom okvirnom sporazumu. Okvirni sporazum ne predstavlja ugovor o isporuci roba, odnosno ne utvrđuje obavezu naručioca da zahtjeva od izvršioca roba bilo koju robu, već se podrazumjeva da ako naručiocu bude potrebna roba navedena u Specifikaciji sa cjenama tada će naručilac roba tražiti od izvršioca roba isporuku robe.

IV CIJENA

Član 9.

Ukupna cijena predmetnih roba ovog sporazuma iznosi: 14.491,34 KM (slovima: četrnaesthiljadačetrstotinedevadesetjedna 34/100 KM), bez PDV-a, a sa obračunatim porezom 16.954,87 KM, (slovima: šesnaesthiljadadevetstotinapedesetčetiri 87/100 KM).

Cijena koju je Izvršilac ponudio je nepromjenljiva i ne može se mijenjati u toku trajanja ovog sporazuma.

V NAČIN PLAĆANJA CIJENE

Član 10.

Plaćanje cijene će se izvršiti na slijedeći način: po potpisu pojedinačnog ugovora na osnovu narudžbenice Naručioca roba, i to u roku od 30 dana od dana dostavljanja fakture Izvršioca roba - po isporuci robe iz člana 2. ovog sporazuma.

VI ROK ISPORUKE

Član 11.

Izvršilac roba se obavezuje isporučiti robu iz člana 2. ovog Okvirnog sporazuma u obimu preciziranom pojedinačnom narudžbom naručioca i dana navedenog u narudžbenici.

VII OSTALE ODREDBE

Član 12.

U slučaju propusta Izvršioca roba u izvršavanju ugovora, Naručilac roba može uz dostavljanje Izvršiocu roba pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu.

Član 13.

Rok trajanja ovog okvirnog sporazuma utvrđuje se na razdoblje od dana dodjele ugovora do 31.12.2019. godine računajući od dana obostranog potpisa ovog Okvirnog sporazuma, ili po isteku vrijednosti ovog okvirnog sporazuma.

Član 14.

Svaka strana može otkazati ovaj okvirni sporazum bez obrazloženja sa otkaznim rokom od 30 (trideset) dana.

Član 15.

Ako slučaj više sile potpuno ili djelomično spriječi izvršenje obaveza po ovom Okvirnom sporazumu, svaka strana je obavezna obavijestiti drugu stranu u roku od 2 (dva) dana od dana nastanka više sile.

Član 16.

Sve eventualne sporove strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 17.

Ovaj okvirni sporazum stupa na snagu danom obostranog potpisa obje strana po ovlaštenim licima.

Član 18.

Sastavni dio ovog okvirnog sporazuma čine: Specifikacija sa cijenom iz Ponude Izvršioca roba, broj:1773/19 od 20.03. 2019.godine.

Član 19.


Ovaj Okvirni sporazum je sačinjen u 4 (četiri) jednakih primjeraka od kojih naručilac zadržava 2 (dva), a 2 (dva) primjerka se uručuju izvršiocu roba.

Za izvršioca usluga:
DIREKTOR




Broj: 01-04/2019.
Sarajevo, 08-04. 2019.

Za naručioca roba:
DIREKTOR-a



Broj: JN/21-1944/19
Sarajevo, 26.03.2019.g.

 **Upravni odbor**

